

I CORINTO 8:1-13

REVIEW...

- **I CORINTO 1-6 ~ APAT KA PROBLEMA SA SIMBAHAN ~ PAG-BINAHINBAHIN/ DISIPLINA / AKUSAHAY/KAPUTLI**
- **PAGSABAT SANG 5 KA PAMANGKOT HALIN SA SIMBAHAN - 1ST PAG-ASAWAHAY...**
 - **I CORINTO 7:1-9 - SA MGA MAY GUSTO MAG PANGASAWA...**
 - Agod nga malikawan ang imoral nga klase sang relasyon - magpangasawa...
 - Magpakasal sa insakto nga rason - indi para makakuha /kundi para makahatag (*wala kamo nagapanagiya sang inyo kaugalingon*)...
 - **I CORINTO 7:10-17 - SA MGA MAY ASAWA NA...**
 - Indi mag diborsyo - Mando sang Dios - **Mateo 19:3-9 / Marcos 10:1-9...**
 - Luwas lang kon - napatay /may pag-panglahi - bangod ang pag-asawahay tinutuyo nga asta sa bug-os nga kabuhi!
 - Kon mag diborsyo ka - magpabilin nga mag solo - ukon magpakasal liwat sa imo nga gindiborsyohan...
 - **I CORINTO 7:18-40 - MANGIN KONTENTO...**
 - Kinahanglan mo nga batunon ang tanan nga kahimtangan nga ginhatag sang Ginoo sa imo...
 - pinansyal / sa katilingban / kag relasyon - kasado ukon solo...
 - Kon ikaw soltero indi magpangita sang asawa (*Adan & Eva*) - sa baylo maghulat sa Ginoo...
 - Apang kon magpakasal ka gid - makaatubang ka sang madamo nga pagtilaw sa kabuhi...
 - Kon pwede man lang nga indi magpangasawa - kag mangin bug-os ang debosyon mo sa Ginoo...
 - Indi pag hunahunaa nga ang pagpangasawa makahatag sang kakontentohan - ang pagkakontento naghalin lang kay Jesus!
- **ANG PAGSABAT SANG 5 KA PAMANGKOT HALIN SA SIMBAHAN - 2ND DIOS DIOS...**
 - **I Corinto 8-10 - si Pablo nagahambal patuhoy sa idolatriya...**
 - Ang una nga pamangkot nga iya gin talakay nahanungod sa pagka-on sang ginahalad sa dios dios...

ANG SABAT SA IKA-2 NGA PAMANGKOT - ANG PAGKA-ON NGA GIN HALAD SA DIOS-DIOS...

- **ANG LUGAR SANG KAALAM... VS. 1-3**
 - Ang simbahan nag pamangkot kay Pablo nahanungod sa dios-dios...
 - Amo ini ang masami nga problema sini nga mga adlaw - Ang mga Griego naga simba sa mga dios-dios...
 - Isa ka parte sang pagsimba nila sa diosdios amo ang paghalad sang pagka-on...
 - Ang iban nga bahin sang sapat ginahalad - ang iban nga nabilin ginapakig-ambit...
 - Ang 'larawan' - naga upod kaon sa dios-dios - may ara sila sang parte /ikaw may parte man...

- Nagakapareho man sa pagtuo sang mga Judio - ang 'halad sang paghidait' - **Leviticus 3:12-17**
- Kon gin imbitar ka sang isa ka di-tumuluo sa pagka-on sa ila nga balay...
- Ukon nag bakal ka sang karne sa tindihan (*halos permi nga nangin halad*)...
- Bilang isa ka tumuluo ni Jesus - mahimo mo bala sa imo konsiensia nga mag kaon sang karne...
- o Tanan kita may Ihibalo... vs. 2-3
 - Sigurado gid ang simbahan sa Corinto nga may ara sila sang solusyon sa sini nga problema...
 - Ginapinsar nila nga nahibaluan nila kon ano ang himu-on - kon paano mag lubad sang isyu...
 - Ginpaandaman sila ni Pablo - ang tanan may ihibalo - apang kon ihibalo lang, indi ina makasabat sang problema...
 - Ini mabudlay para sa aton bilang mga tawo - tungod nga manuglubad kita sang problema - naga pangita gid kita sang sabat...
 - Kon ang tawo magpalapit sa aton nga may problema gusto naton nga kita ang sabat - masarangan naton kay-ohon!
- o Kon hunahunaon naton nga kita ang sabat...
 - Kon gina pinsar mo nga kabalo ka sang tanan - sigurado nga wala ka gid sang may nahibaluan!
 - Kon maghunahuna kita nga may ara kita sang sabat - mangin arogante kita - mapahambog kita...
 - Imbes nga lubadon naton ang problema - mangin dugang pa kita sa problema!
 - May ara ako isa ka abyan nga naga pati sa evolution - tungod nga may pamatuod...
 - Ginhangkat niya ako nga kon mapakita ko nga sala siya - liwaton niya ang iya paminsaron...
 - Ginbaton ko ang pag- panghankat kag nagtu-on ako parte sa Evolution vs. Creation...
 - Nagbalik ako kag gin bungkag ang Evolution theory - iya nga gin baton nga wala siya sang depensa...
 - Apang nagapati gihapon siya sa Evolution - tungod nga gusto niya!
 - May ara ako sang tanan nga insakto nga ihibalo - apang ang ihibalo indi bastante...
- o Kaalam kag Gugma...
 - Ang isa nga makasabat amo ang may ara sang higugma sang Dios...
 - *** I Corinto 13:2** - "Kag bisan makasugid ako sang mensahi sang Dios kag makahibalo sang tanan nga tinago nga mga kamatuoran pati ang nagkalain-lain nga mga kaalam, kag bisan mapasaylo ko ang bukid tungod sang akon dako nga pagtuo, kon wala ako sing gugma wala gid ako sing pulos."
 - Ayhan may ara kita sang tanan nga kaalam - Nakahibalo sang Biblia halin sa puno asta sa punta...
 - Ayhan nakatapos kita sa pag-eskwela - may titulo - may sabat sa tagsa-tagsa ka pamangkot - apang...
 - Ang kaalam tunga lang sang larawan - ang gugma ang nagapahanugot nga gamiton ina nga kaalam sang Dios!

- Ayhan nahibalu-an ko ang alagyan pakadto sa langit paagi lang gid sa pagtu-o kay Jesu-Cristo - matuod ina...
- Apang kon wala ako sang Gugma sang Dios - kag kabubut-on mag sugid sang mensahi -ini tanan wala sang pulos!
- **ISA LANG ANG DIOS... vs. 4-6**
 - o Nakahibalo gid kita nga ang mga dios-dios wala gid sang pulos...
 - Maathag nga ang sulusyon sang simbahan nga 'hibalu-on' nga ang dios-dios isa ka wala sang kabuhi nga imahe...
 - **Jeremias 10:5** - "Indi kamo magkahadlok sa sini nga mga dios-dios kay indi ini makahalit.Indi man ini makahimo sing maayo..."
 - Ang mga dios-dios wala sang gahum - indi sila makahalalit ukon makabulig...
 - Kabuangan nga magsalig sa ila nga makabulig sa aton - binuang man nga mahadlok sa ila...
 - Isa lang ini sila ka tinigib nga kahoy ukon plastik - wala sang gahom kaysa lipak nga kahoy!
 - Ang simbahan nakalab-ot sa paghangop kon ano nga kabuangan ang pag salig sa dios-dios...
 - Ang ideya nga isa kabutang nga gin tuga – pagkatapos himu-on nga manluluwas ko.
 - * **Isaias 44:19-20** - "Wala gid sila nagapamalandong kag nagahunahuna sa pagsiling, "Gin-gatong ko ang iban nga mga kahoy, kag nagluto ako sang tinapay kag nagsugba sang karne sa baga sini, kag ginkaon ko ini. Kag karon himuon ko bala nga makangilil-ad nga butang ang nabilin nga kahoy? Magasimba bala ako sa isa ka utod nga kahoy?"
 - Madamo sa sini nga mga inadlaw nga nagasalig sa dios-dios - nga mag sabat sang pangamuyo /magbulig sa tion sang kabudlayan
 - Bisan sa wala naga tulok sa dios-dios - nahuyog gihapon sa pag salig sa kwarta...
 - Nalipat kita kon diin halin ang ginahimo nga kwarta – papel nga halin sa kahoy nga produkto...
 - Nagatulok kita kay Manuel Roxas (P100) / Benigno Aquino (P500) / Jose Santos (P1000)
 - Ang dios-dios mahimo nga may tiil, dalunggan, mata, baba - apang indi makalakat, makakita, makabati ukon maka hambal
 - **Salmo 115:8** - "Ang nagahimo sang sini nga mga dios-dios [nagasalig sa ila] mangin pareho man sa ila nga wala sing pulos."
 - Kon naga salig kita sa estatwa - ukon nagasalig sa nami nga gin imprinta nga papel - mangin pareho man ta sa ila...
 - Kon nagasalig kita sa dios-dios nian wala kita naga pangita kag nagapamati sa Dios
 - Kon sa diin ang gahom sang Dios amo ang makabulig sa aton /makaluwas - ang mga dios-dios wala sang may mahimo...
 - Gani kon nagasalig kita sa dios-dios imbes nga sa Dios - wala sang may matabo!
 - o May Isa lang ka Dios - **Efeso 4:6**...
 - Samtang may madamo nga ginatawag nga mga 'dios' - indi na sila tuod nga dios - sila ang mga nalaglag nga mga angel...

- *** I Corinto 10:20 - “ Ang buot ko silingon, ang mga ginahalad sang mga tawo nga wala makakilala sa Dios mga halad sa malaot nga mga espiritu kag indi sa Dios...”**
- Ang MATU-OD nga Dios - amo ang aton Amay sa Langit - ang aton Ginoong Jesu-Cristo...
- **Isa ka dako nga misteryo sang aton pagtuo - may Isa lang ka Dios - Deuteronomio 6:4...**
- **Apang ang Dios may ara tatlo ka kinatuhayan nga persona - Dios nga Amay/Dios nga Anak/ kag Dios nga Espiritu...**
- **Ang Biblia wala sang detalye nga nagasaysay kon ano ini ka tuod - basta ini isa ka kamatuoran!**
- **Ano ang makahimo sang isa ka relihiyon nga mangin kulto - imbes nga denominasyon - Mormons/ Iglesia...**
- **May ara bala nga pagpanghiwala sang sini nga ‘yabi’ nga doktrina - naga sikway bala sang pagka Dios ni Jesu-Cristo!**
- **IHIBALO NGA MAY GUGMA... VS. 7-13**
 - o Ang Makusog kag ang Maluya...
 - Ang makusog - atong mga may ihibalo - atong mga nakabalo nga ang dios-dios wala pulos...
 - Makaka-on sang bisan ano nga karne nga may matinlo nga konsiensia - nga nakahibalo nga may isa lang ka matu-od nga Dios!
 - Apang indi ang kada isa may ihibalo - ang mga maluya - wala naka hangop sang Pulong sang Dios...
 - Atong mga nagapadayon sa pag hunahuna nga may gahom ang tinigban - wala kabalo nga isa lang ina ka bloke sang kahoy...
 - Kon mag kaon sila sang karne nakahibalo sila nga gin halad sa dios-dios - ang ila konsiensia may kombiksion...
 - **Kalabanan, wala na sang naga halad sang pagkaon sa mga dios-dios (*kinaugali gihapon sa India*)...**
 - **Apang may mga tawo nga naga halok sa dios-dios /naga sindi sang kandila sa dios-dios.**
 - **Nakahibalo kita nga kabuangan ini - apang ang mga wala nakahibalo sang Pulong sang Dios indi man makahangop ...**
 - o Ang pagkaon indi maka dagta sa aton...
 - Indi ka mas maayo tungod nagka-on ka - may paghangop -Ang makusog...
 - Indi ka mas malain kon wala ka nagkaon - wala kahangop - ang maluya
 - Indi sa pagka-on ang punto -kundi sa konsiensia...
 - Kag ang huyog ta nga magmulay sa mga tawo nga indi pareho sa aton ang kombiksion...
 - o Sa mga wala naka intiendi - ang maluya...
 - Diri ni laban nga mga tawo nga ginabudlayan – ining madasig maghukom sa iban...
 - **Kon may pagsulundan nga ginapatihan nga kinahanglan sundon...**
 - **Kon ginahunahuna mo nga indi kita dapat magkaon sang karne nga nahalad sa dios-dios...**

- Kon ginahunahuna mo nga indi pwede magtan-aw sang sine /magpamati sang kalibutanon nga kanta/ mag pa tattoo...
- Nian mahunahuna kita nga ang kada isa dapat mag sunod sa pagsulundan!
- Ginapasa mo ang imo kombiksion...
 - Kon ako may kombiksion - nga sala ang mag inom (*ang Biblia naga hambal nga sala ang magpahubog*)
 - Kag ihambal ko sa imo nga indi ka man mag inom – ginhatagan ta ka sang kasuguan...
 - Ang problema wala ko nabag-o imo tagipusoon – gustohon mo gihapon ang mag inom...
 - Ginbutangan ta ka nga mapaslawan – mainom ka kay gusto mo – tapos mabatyagan mo nga malain ka nga Cristohanon
- Ang pagsalig sa Ginoo nga ipakita sa iban ang insakto kag malain...
 - Kon sabaylo ihambal ko sa imo nga magpalapit ka sa Ginoo – kag pamangkuton mo Siya kon bala pwede ka maka inom...
 - Ang Dios masiling sa imo – kag kon maghambal Siya nga indi - Iya nga bag-uhon ang imo tagipusoon agod nga indi mo na pag-gustohon nga mag-inom!
 - Ang Dios wala lang naghatag sa imo sang Kasugua-an - gintagaan ka sang abilidad nga magkabuhi suno sa kasuguan!
- o Sa mga may ara nga mas madamo nga ihibalo - Ang makusog...
 - Ini mas mahapos nga posisyon nga tindugan – mas may kahilwayan kay Jesus ...
 - Kon may ara nga nagasuond sang mas madamo nga pagsulundan sang sa aton – ‘Ang Dios magpakamaayo sa ila’ – wala ina kaso...
 - Basta wala ginapamilit ang ila pagsulundan sa aton!
 - Indi man nga hilway kita mag himo sang sala...
 - Kon may ara ka nga duda parte sa imo ginahimo...
 - Kon indi ka sigurado nga tan-awon mo ina nga pilikula – maghampang sang baraha...
 - Nian masmaayo nga indi na lang - tungod nga bisan ano nga ginhimo mo nga wala sang pagtuo –ina sala - **Roma 14:23**
 - Indi paggamita ang kahilwayan nga makaganoy sa imo nga mag palayo kay Jesus...
 - **I Corinto 6:12** – “Ayhan may magasiling, “Pwede ako maghimo sang bisan ano.” Matuod ina, pero may mga butang nga indi makabulig sa imo. Gani bisan ginatugot sa akon ang maghimo sang bisan ano, indi ako magpaulipon sa bisan ano.”
 - May ara kita nga tumalagsahon nga kahilwayan kay Jesus – apang maghalong...
 - Indi paghimu-a ang imo kahilwayan nga amo ang siod nga mag dala sa imo sa kahulipnan sang sala...
 - Siguraduha nga bisan ano ang imo nga gina obra – ukon wala gina obra – himu-on mo sa pag hatag sang kadayawan sa Dios!
 - **I Corinto 10:31** – “Ini ang akon sabat sa inyo: bisan ano ang inyo himuon, bisan magkaon ukon mag-inom, himua ninyo ang tanan sa katuyuan nga madayaw ang Dios.”
 - Mag halong sang imo kahilwayan kay Cristo - kon ang isa ka maluya nimo nga utod ang makakita sa imo...

- Kon nagkaon ka sang karne sa sulod sang templo sang mga dios-dios - sigurado nga ila na gin halad..
- Ayhan may ara sila nga pinasahi nga okasyon sina nga adlaw - ayhan ang pagkaon manamit gid...
- Wala ka sang pakialam tungod nakahibalo ka nga ang dios-dios wala sang pulos...
- Apang kon nakita ka sang imo utod nga maluya nga naga kaon ka - basi masulay siya nga mag sunod man sa imo...
- Apang tungod nga wala niya maintiendiha - makasala siya batok sa iya konsiensia sa pagka-on...
- Ang aton nga kahilwayan kay Cristo maka dala sang iban sa kasalanan!
- Nahibalu-an man naton nga ang dios-dios wala pulos / baraha wala kaso /kag pilikula waay kaso...
- Apang sa utod nga nagahunahuna nga mga mala-ot ina – para sa iya sala...
- Indi paggamita ang kahilwayan mo kay Cristo – sa pag-guba sang iban nga ginkamatyan ni Jesus para maluwas!
 - Mahimo nga nakahibalo ka nga ang isa mo ka utod nga nabudlayan tungod sa sugal-nadula na ang tanan sa iya...
 - Naluwas siya – nag-untat sang pagpanahor – kag ginabawi na niya liwat ang nawas-ag niya nga kabuhi...
 - Nagabot ang adlaw nga may isa ka ‘utod’nga nang-agda sa iya sa bulang – ‘ para lang mag tan-aw’...
 - ‘may ara kita nga kahilwayan kay Jesus’ – ang utod naghambal sa iya – ano gid ang isa ka away...
 - Sa katapusan nahulog balik sa daan nga kinaugali – naga tikang palayo sa Ginoo!
 - Ang kahilwayan kay Cristo sang isa ka tawo – mangin kalaglagan sang lain nga tawo...
 - Mangin sensitibo sa kaluyahon sang kada isa – mag-amlig sa kada isa nga mapalayo sa sala!
 - Kon ikaw ang kabangdanan sang kasandaran sang imo utod paagi sa imo ‘Ihibalo’ - napilasan mo ang maluya niya nga konsensya
 - Sa tuod lang nagasala ka batok kay Jesus!
- o Ini tanan nahanungod sa Gugma...
 - Kon ang pagkaon nagapasandad sa imo utod - nian indi magkaon sang pagka-on nga nahalad sa dios-dios...
 - Magpasunaid sa kombiksion sang imo nga utod kay Cristo...
 - Kon ang pag kaon sang nahalad makapasandad sang imo utod – indi magkaon sa atubang niya...
 - Kon magtanaw ka sang pilikula nga makasandad siya – indi ka mag tanaw sa atubang niya...
 - Kon ang paghampang sang baraha makapasandad sa iya – indi pag pakita sa iya nga may baraha ka kon mag kadto siya...
 - Indi mag-abuso sa ihibalo nimo - panumduma ina tanan nahanungod kay Jesus...
 - Indi lang nga may ihibalo ka sa kamatuoran -gamita ang ihibalo nga may paghigugma...
 - Magpasunaid ka sa imo utod antes ang imo kaugalingon - **Efeso 4:15**